

Na osnovu člana 3. i člana 6. Pravilnika za stipendiranje djece šehida – poginulih boraca, ratnih vojnih invalida i demobilisanih boraca ("Službene novine Kantona Sarajevo", broj 32/11 i broj 41/13), Načelnik Općine Stari Grad Sarajevo raspisuje

JAVNI POZIV

za stipendiranje djece šehida – poginulih boraca, ratnih vojnih invalida i demobilisanih boraca u školskoj 2016/2017 godini

Pravo učešća na Javnom pozivu imaju djeca demobilisanih boraca, ratnih vojnih invalida, šehidskih, odnosno porodica palih boraca, koji su na redovnom školovanju u institucijama srednjeg i visokog obrazovanja na području Kantona Sarajevo, uz ispunjavanje sljedećih uslova:

- da imaju prebivalište na području općine Stari Grad Sarajevo

U školskoj **2016/2017** godini stipendirat će se:

a) SREDNJE OBRAZOVANJE

- 28 učenika I razreda
- 28 učenika II razreda
- 28 učenika III razreda
- 27 učenika IV razreda.

b) VISOKO OBRAZOVANJE

- 28 studenata I godine
- 28 studenata II godine
- 28 studenata III godine
- 27 studenata viših godina studija i magistranti

Ukoliko iz određenog razreda ili godine nema dovoljan broj kandidata koji ispunjavaju kriterije Pravilnika, stipendije će se dodjeljivati učeniku ili studentu sljedećeg, višeg razreda ili godine.

Stipendije se dodjeljuju za jednu školsku – nastavnu godinu i isplaćivat će se za **devet** mjeseci (za period septembar 2016 - maj 2017. godine).

Visina mjesečne stipendije za učenike i studente iznosi:

- **u srednjim školama80,00 KM**
- **u visokoškolskim ustanovama 120,00 KM**

Stipendije se ne dodjeljuju kandidatima:

- čiji roditelji, odnosno uža porodica ima mjesečna primanja veća od dvije prosječne plaće u F BiH, iz prethodne godine

- koji se već stipendiraju iz drugih izvora
- za dva ili više učenika – studenata iz iste porodice
- učenicima ili studentima koji obnavljaju godinu, a koji su bili korisnici stipendije za prošlu godinu
- djeca sa navršenih 25 godina života
- djeci čiji roditelj nema najmanje 1 (jednu) godinu neprekidno provedenu u – Armiji RBiH

Kandidati trebaju da podnesu zahtjev u roku od **30** dana od dana objave u dnevnim novinama. Zahtjev se obavezno podnosi lično, na propisanom obrascu (može se preuzeti u šalter sali, šalter broj 4), na protokolu Općine ili putem pošte na adresu:

Općina Stari Grad Sarajevo
Služba za boračko – invalidsku i socijalnu zaštitu
(sa naznakom – ZA JAVNI POZIV ZA STIPENDIRANJE UČENIKA I STUDENATA)
Ulica Zelenih beretki broj 4
71 000 Sarajevo

Uz prijavu na Javni poziv kandidati trebaju dostaviti sljedeću dokumentaciju:

1. zahtjev
2. potvrdu o upisu u školsku 2016/2017 godinu
3. prosjek ocjena iz prethodne školske godine (učenici mogu priložiti svjedočanstvo, a studenti moraju priložiti isključivo potvrdu o ocjenama iz prethodne godine studija)
4. rodni list za kandidate
5. prijavu mjesta prebivališta i kopiju lične karte za roditelje
6. dokaz o učešću na takmičenju (da je osvojio/la jedno od prva tri mjesta na takmičenju: općinskom, kantonalnom, federalnom, državnom i međunarodnom nivou)
7. dokaz o materijalnom stanju (platna lista, ček od penzije, za nezaposlene potvrda Zavoda za zapošljavanje, potvrda da nema penziju, uvjerenje Poreske uprave za poreske obveznike sa visinom primanja, primanja iz oblasti boračko-invalidske i socijalne zaštite)
8. kućna lista
9. dokaz o statusu: uvjerenje o pripadnosti najmanje godinu dana neprekidno u OS BiH (za djecu boraca), rješenje o invalidnosti (za djecu RVI), rješenje o porodičnoj invalidnini (za djecu šehida odnosno palih boraca)
10. dokaz da je jedan od roditelja nosilac najvećeg ratnog priznanja «Zlatni ljiljan» ili «Zlatna policijska značka»
11. dokaz da je učenik generacije
12. izjava da učenik odnosno student nije stipendista druge institucije
13. dokaz za roditelja koji je kao RVI i demobilisani borac umro poslije rata
14. dokaz za nezaposlene članove domaćinstva (za djecu uvjerenje o školovanju, za roditelje uvjerenje Biroa za zapošljavanje)

Djeca bez oba roditelja, čiji su roditelji poginuli kao pripadnici Armije BiH, odnosno umrli nakon agresije, a čiji su jedan ili oba roditelja u toku agresije bili pripadnici Armije BiH, imaju pravo na dodjelu stipendije bez obzira da li ispunjavaju ostale uslove iz Pravilnika.

Kada prijavljeni kandidati pri bodovanju imaju isti broj bodova, prednost će imati:

- učenik - student koji ima bolji prosjek ocjena, a ako su isti onda će imati prednost kandidat čija su primanja po članu domaćinstva niža

Neblagovremene i nepotpune prijave se neće razmatrati.

Sve dodatne informacije zainteresovani mogu dobiti u Službi za boračko – invalidsku i socijalnu zaštitu Općine Stari Grad, lično ili putem telefona 033/282-374.

Obavijest o rezultatima Javnog poziva dostavit će se kandidatima u roku od 15 (petnaest) dana od dana donošenja Odluke o izboru.

Nezadovoljni učesnik u Javnom pozivu može podnijeti prigovor na Odluku o izboru Drugostepenoj stručnoj komisiji Općinskog vijeća u roku od 8 dana od prijema obavještenja.

Broj:01-05-4-2087/16
Sarajevo, 24.10.2016.godine

NAČELNIK OPĆINE

mr.Ibrahim Hadžibajrić